


3758.



3758.

Johannes Meuninger,  
In Honorem Nuptiarum  
M. Erasmi Katholici  
& Elisabetha Marenbarth.




Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 3758 4° (LN 741)







Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 3758 4° (LN 741)



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 3758 4° (LN 741)



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 3758 4° (LN 741)



DA BOX

= L. N. 741

M





3758.  
EPITHALAMIUM  
IN HONOREM NVP=  
TIARVM REVERENDI VIRI M.  
ERASMI KATHOLMII PROFESSORIS IN

*Regia Hafniensi Academia doctissimi præceptorisq; sui longè  
charissimi & castissimæ Virginis Elisabetæ, hone-  
tissimi Viri, piæ memoriæ, M. Iacobi Ha-  
senbardt medici celeberrimi  
filia, scriptum*

A  
IOHANNE HEMMINGO,  
ANNO DOMINI M. D. LXX.  
Die XIX. Nouembris.



HAFNIÆ,  
Excudebat Laurentius  
Benedictus.  
1570.







3758

# EPITHALAM- MIUM.

**T***V* mihi principium, tu finis carminis esto  
Summe Deus, de quo rutilantia mœnia cœli  
Et terræ tractusq; maris montesq; niuosi,  
Omniaque extensis quæ findunt aëra pennis  
Vastaque flexilibus quæ tranant æquora pinnis  
Principium sum sêre suum. Tu vota precantis  
Audi, nec tenues spargas mea dicta per auras.  
Tu quoque qui Regis pariter Mystæque sacrati  
Munus utrunque geris, Christe ô mihi dexter adesto.  
Tuque sacer, patre qui & nato procedis utroque  
Spiritus, ô venias, cupidisque in pectora letus  
Infer te nostra atque animis coniungere nostris.  
Te Deus alme voco, te toto pectore adoro,  
Qui celsos habitans cœlos terrestria curas  
Humanasque regis mentes, tu percipe dicta  
Quæ loquar, ex imo ducens suspiria corde.

Cum primum ex nihilo cœlum terramq; creasses  
Multiplicesque feras, herbas & gramina campi,  
De terra humanum struxisti ex tempore corpus,  
Impositumq; horto viridi, cui nomen amœnum

A 2

Deliciæ



Deliciae dederant molles, quem flumina tractu  
Quatuor aduerso circumlabentia findunt,  
Imperium inque feras gereret piscesque marinos  
Et caeli volucres iussisti, ut cuncta teneret  
Mandato subiecta suo quaecunque creasses.

Hic sapiens, vacuo contemplans rure vagantem  
Solum hominem (socios nam cuncta animalia habebat)  
Dixisti, arcano haec promens de pectore verba:  
Cum pare quaeque suo ducunt animalia vitam.  
Et sobolem gignunt, sed cur sine faenore vitam  
Solutus homo, cui cuncta dedi, flos vnicus orbis  
Exigat? haud ita: sed sociam comitemque laborum  
Efficiam tradamque illi. Mox cuncta sopore  
Membra viri premis, hinc costam quae viscere ab imo  
Haeserat & lateri defixa iacebat aperto  
Eripis, atque eius fingis de carne maritam.

Continuo placido resolutus lumina somno,  
Enigelaus sociamque videns comitemque laboris,  
Agnoscit propria exemptam de corpore costam  
Et satur: Non me fallit mens conscia veri.  
Tu mulier mea vita meo es de corpore sumpta  
Te sociam omnipotens mihi designauit habendam.  
Ergo ades & nostro lateri te iunge sodalem  
Confor-



3758  
Consortemque thori, mihi tu solatia præstes  
Tristibus in rebus, sine te mihi displicet omnis  
Mundus, & in nullo nisi te mens nostra quiescit.  
Sed quia de nostra te sumsit carne creator  
Ossibus eque meis statuit te imisq; medullis:  
Ex re nomen erit tibi dicerisq; VIRAGO.

Exemplò Deus hos dextras coniungere dextris  
Iussit, & iustantem coniunctos degere vitam.

Hic primus tu summe Deus pia fœdera sancti  
Fundasti status, inque vnâ duo viuere carnem  
Corpora mandasti, socias quò iungere mentes  
Aptius & melius rerum te agnoscere patrem,  
Laudibus & meritis possent ornare decenter.

Ergo tuum laudo inceptum Præceptor amande:  
Quòd castum ad Thalamū, velut errans nauita vasto.  
Oceano, portum petit & ceu fessa volando  
Fortè columba gemit miserè, dulcemq; quietem  
Expetit & querit, iam tandem ætate virili  
Te recipis iustoq; includis limite vitam,  
Fundatumque statum summi virtute parentis  
Ingredieris, sociamque thori comitemque laboris  
Hanc quæris. Sola illa tibi sacra puella est,

A 3

Non



Non alia. Hæc, quoties diræ tua pectora curæ  
Versant, aut studijs fueris fessusue labore,  
Dulcibus alloquijs foveat te & pectore curas  
Eximet euelletque omnes & gaudia reddet.

Ecce animo dilecta tuo ELISABETA, Iacobo  
Patre nata, aurato circumdata tempora sero  
Ingreditur, roseoq; genas perfusa colore  
Te spectat nutusque tuos, te querit ouantem.  
Hanc decor & vultus sine rusticitate pudici  
Ornant, hæc longè superat virtutibus annos  
Incedens pompæ decus est comitumq; suarum.

Ergo veni atque illi venienti occurrito, dextrā  
Immittasque manum dextræ, hæc pia fœdera nullus  
Vel satan horrifremens, non si se rumperet vnquam  
Soluēt facta semel: Nam quæ Diuina voluntas  
Iunxit, in æternum semper coniuncta manebunt.

Quod superest, Dominus, rerum qui flectit habenas  
Cuius & ad nutum cæli terræque tremiscunt  
Incolumem multos casta cum coniuge in annos  
Te seruet, natos & qui nascentur ab illis  
Vt videas, serosque in plurima secla nepotes,  
Idem etiam Deus Isaciæ qui maxima gentis

Spes



3738.  
Spes fuit & columen rebusque in tristibus vnum  
Solamen, nobis donet placida oia pacis:

Tranquillam vt vitam possimus degere & illi  
Dicere perpetuas sincero pectore grates.  
Sola salus spectare illum, sunt cætera fraudes,  
Diuitiæ, laudes operosaque gloria mundi.  
Nec quicquam inuenies toto preciosius orbe  
Quàm castum atq; pium Christi verumque timorem.

Hæc quæso accipias placida tu carmina mente  
Quæ tibi sincero de pectore scripsit amicus.  
Sed tibi cum veniat sobolis generosa propago,  
Fælix illa dies fælix dicetur & annus,  
Tum plura, & si fata sinent, meliora canamus.

ὁ αὐτοῦ

ὃδ' ἐν ἑν ἀνθρώποις χαριέσιρον, ὃδ' ἐν ἁμεινον  
κτῆμα ἄλοχος φρονίμος ἀνδρὶ φρονῶντι φίλα.  
Τούτοις δ' ἡ μόνον γλυκίων ζυγὸς ἡδὲ τὰ ἔργα  
κωφότερι, οἷοι γὰρ αἰ σύμπονός ἐσι θεός.



Spes fuit et confidit in domino  
Solamen nobis in tribulatione  
Tunc in diebus tuis populus tuus  
Dicere perperam facere peccata  
Sola salus spes tua in diebus  
Quintus Iacobus populus tuus  
Nec quidquam in diebus tuis  
Quam carum est populo Christi  
Hec quae accipis facias in carum mentem  
Quae tibi facere de peccatis facias amicum  
Sed tibi cum veniat solus carus populus  
Felix illi dies felix illi dies  
Tunc pluit et facit faciem tuam

o carum  
ad te in carum populum  
xpi carum populum  
populus in carum populum  
populus in carum populum

3758.

foto  
206431